

《桃園明聖經》

告文式

恭維

聖帝，浩氣凌霄，丹心貫日，扶正統以彰信義，威震九州，完大節而篤忠貞，靈昭千古，伏魔蕩寇，屢代徵其奇勳，覺世牖民，寰宇被其明訓，運協皇圖，德覆黎庶，弟子某，於某年月日，敬為某事，叩許終生奉行明聖經寶訓，由誦

而入，以熟為歸，由講而明，以知為要，踐履期於篤實，心地務求光明，伏冀鑒佑，無任沾恩之至，謹告。

恭請

九天馬天君寶誥 志心皈命禮

九天揚化，樞機共凜；十分普濟，海內施恩。火德澤民，司權喉舌；仁慈濟世，導化人心。至廉至節。命派五祀。宏德宏仁。司管一家。積功勳操持竈府。著

善德輔佐東廚。惠澤群生，移凶化吉；
愛惜兆民，赦過消愆。大悲大願，真君
內相，廣濟真人。大忠大孝，下凡監堂。
專理鸞務馬天君。

恭請

南宮柳天君寶誥 志心皈命禮

練化靈心，道學無量。修為見性，功勳
有就。色空色相。塵緣盡脫。即神即仙。
凡俗登天。飛鸞降世。勸忠勸孝。監堂

闡教。戒惡戒淫。被化多方。回頭有術；
宣明義理。妙奧無邊。令人忠孝，褒忠
貶昧。醒世節廉。排難解紛。至仁至德，
悲憫蒼生。切念下民，大願大慈。南宮
輔佐，開堂濟世。孚佑駕前，協造善文。
柳星君，妙道真人，加陞太乙天君。

恭請

南天廖天君寶誥 志心皈命禮
大漢監軍，忠義上將。英勇威神，有智

有略。無欺無險。至孝至仁。心存濟世，
意切飛鸞。統領南天左部，受命

玉帝揮毫。積功勳兼掌雷令。著善果宣
化人間。管諸魔鬼。轄眾陰兵。慈悲保
赤，惠惜孱民。斬妖護國，治怪安民。
廖將軍。南天真相。奉旨馳騁。
玉封博施真人，加陞道德天君。

恭請

先天豁落靈官王天君寶誥 志心皈命禮

先天主將，一炁神君。都天糾察大靈官，
三界無私猛烈將。金睛硃髮，號三五火
車雷公。鳳嘴銀牙，統百萬貔貅神將。
飛騰雲霧，號令雷霆。降雨開晴，驅邪
治病。觀過錯於一十二年，受命

玉帝；積功勳於百千萬種，誓佐祖師。
至剛至勇，濟死濟生。方方闡教，處處
開壇。赤心忠良，斬妖護法。
王天君，太乙雷聲應化天尊。

恭請

文昌應化張仙大帝寶誥 志心皈命禮
桂香上殿，文昌左宮，七十二化之法身，
百千萬劫之運數。育嗣天下，演教人間。
金彈竹弓隨身帶，孤辰寡宿滅行蹤。扶
小子而衛通關，蔭閨房而護產難，聰明
日益，痘疹減消。難育者祈之便育，難
痊者禱之必痊。大悲大願，大聖大慈。
九天輔元開化，靈應張仙大帝，七曲毓

聖天尊。

恭請

救苦真君寶誥 志心皈命禮

學步盧醫，著書近聖。功侔思邈，折肱稱良。濟人施妙藥，壽世展良方。日居月諸，深通素問。通今博古，細究青囊。望切問聞，拯沉痾於里黨；泡煨炙製，起痼疾夫危亡。採藥山中，靈芝獻瑞；煉丹爐裡，瑞草呈香。妙

術回春，躬親帝寢；多方治病，位列
朝堂。金鑑書就，玉京名揚。
玉旨加封救苦真君。

恭請

定遠帝君寶誥 志心皈命禮

扶劉志切，輔漢功長。浩氣凌雲，千
秋致美；忠心貫日，萬古流芳。手執
金鎗，聰明正直；身披銀鎧，中正齊
莊。百萬狼虎之兵，單身赴敵；十千

貔貅之眾，匹馬沖鉞。烏林當血戰，
曹瞞心腸碎裂；赤壁展神威，徐盛肝
膽驚亡。保幼主而得青虹，雄威益壯；
遇敵兵而揮白刃，烈膽倍強。五虎將
軍同座位；一龍後主護胸膛。忠心愛
國，討賊勤王。斬妖捉怪，誅暴除兇。
至忠至勇，克勝克剛。玉清佐相，敘
事天堂。

玉旨加封定遠帝君，佐漢大天尊。

恭請

雷闕桓侯大帝寶誥 志心皈命禮

一生大義，六世精忠。龍鎧蛇矛，降
多猛將。狼腰虎背，蓋世英雄。誓吞
二狼，劫轉蘇張岳身之化；位居五虎，
戰高黃馬趙將之功。居九天之第七天，
鸞乘鶴駕；合六世而歸一世，鳳闕龍
宮。矛丈八百戰不離，性烈如火聲宏
鐘。一橋皆震，力勇追風。大悲大願，

大聖大慈。
雷闕至尊，桓侯大帝，忠義無上威勇天尊。

恭請

周大將軍寶誥 志心皈命禮

扶天勇將，察地猛神，鐵鬚銀齒，黑面朱唇，精忠特立，勁節驚人。稽查善惡，糾察凡塵。冥冥顯赫，處處遊巡。鋤奸除惡，救世憂民。忠臣義士，扶彼超昇。

乖兒逆子，不勝怒瞋，維持世教，匡正人倫。斬妖護法，大道長存。最靈真宰，最顯神君。護朝護國，剛正忠勇天君。

恭請

關聖太子寶誥 志心皈命禮

靈侯太子，文經武緯，匡王護國，德義巍巍，忠孝節義，全受全歸。奇勳早建於西蜀，異略素著於北魏。大忠大孝，

至仁至勇。補造化之不足，佐 聖帝以
立功。護朝護國，盡孝盡忠。
九天威靈顯化天尊。

恭 請

九天司命真君寶誥 志心皈命禮

一家之主，五祀之神。司喉舌於北斗之
中；察善惡於東廚之內。賜福赦罪，移
凶化吉，安鎮陰陽，保佑家庭。何災不
滅，何福不增。有求必應，無感不通。

火德澤民賴以生，上調飲食奉雙親，下
煮饗餐滋壽命。丹天世界，灶府眾神。
欲酬護佑猶未能，普具香燈伸寸敬。虔
誠懇禱，宥過愆迤。弟子稽首謝洪恩，
願保門庭多吉慶。大悲大願，大聖大慈。
赤皇上品，三炁火官。洞陽大帝，元皇
定國。南丹紀壽，護宅天尊。
玉清輔相，九天東廚司命灶王真君。

恭
請

南宮孚佑帝君寶誥 志心皈命禮

玉清內相，金闕選仙。化身為三教之師；掌法判五雷之令。黃粱夢覺，忘世上之功名；寶劍光騰，掃人間之妖怪。四生六道，有感必孚；三界十方，無求不應。黃鶴樓頭留聖蹟；玉清殿內煉丹砂。存芝像於山涯；顯神蹤於雲洞。闢法門之香火；作儒教之梯航。大悲大願，大聖大慈。開山啟教，靈應祖師。

天雷上將，靈寶真人。洩玄
贊運，純陽演正。
警化孚佑帝君，興行妙道天尊，普度
光圓，自在文尼真
佛。

恭請

南天文衡聖帝寶誥 志心皈命禮
太上神威，英文雄武，精忠大義，高潔
清廉，**協運**皇圖，德崇演正，掌儒道釋

教之權，管天地人才之柄，上司三十六天，星辰雲漢，下轄七十二地，土壘幽艷，秉註人生功德，延壽丹書，執定生死罪過，奪命黑籍，考察諸佛諸神，監制群仙群職，德圓妙果，無量度人，萬靈萬聖，至上至尊。忠孝祖師，伏魔大帝，關聖帝君，大悲大願，大聖大慈，蓋天古佛，

玉帝殿前首相，執掌雷部，真元顯應，

昭明翊漢大天尊。

恭請

大成至聖先師孔夫子寶誥 志心皈命禮
玉虹化身，水精降世，儒教主宰，士子
宗師。負荷乾坤，目擊生民困苦；權衡
善惡，心傷萬姓飄淪。周流七十國中，
當年壯志；往來三千界內，曩者苦衷。
天時人事，司寇不終於魯廷；氣數君心，
師弟見厄於陳蔡。嘆祥鳳以絕蹤，中懷

莫遂；傷玉麟之復見，大道難容。悲天
憫人，賞善罰惡。大悲大願，大聖大慈。
孔聖先師，文宣聖王，詳明太極，興儒
盛世大天尊。

敬誦

關聖帝君降筆真經

聖是漢關聖帝，敕諭大眾聽聞，
世上不齊等事，全憑一點真心，

正直光明不屈，死生順逆當分，
聖嘗下遊漢季，結盟皇叔三人，
桃園名重千古，單刀秉燭於今，
寄曹明來明去，吞吳為漢超昇。
上帝憐聖忠耿，獨敕宣化幽明，
令聖日遊天下，鑒別忠佞紛紛，
一切貪殘奸巧，還償果報斤斤，
最戒讀書文士，並及官宦軍民，
第一休欺父母，切莫圈套鄉鄰，

貧富先交朋友，朋友乃是五倫，
信心內外平等，何妨蹇難災迍，
曹操無底深險，現今受罪幽冥，
武侯只緣忠義，幽冥群奉為神，
直心直受真福，巧計巧來禍因，
有過昭如日月，無私天地同群，
果然兒女不誑，到處鬼怕神欽，
設計偷覷女色，自己惟薄宣淫，
弄手誑騙財物，輩輩嫖賭淪侵，

比比爭能爭勝，往往越賤越貧，
快快收心猛省，休休愈墮愈深，
三生輪迴惡趣，千載唾罵難禁，
筆尖添減情罪，舌劍反誅滿門，
尤恨毒心狼婦，花言啜哄鄉親，
唆夫罵公罵婆，令聖一見生瞋，
泥像揮刀剖腹，分斬母子平均，
可喜平人孝悌，朝夕買辦糧薪，
霎時風行泥馬，駝回萬里窮軍，

欲求長生育子，急宜戒殺放生，
不食牛犬等肉，可免牢獄囚刑，
男女遵奉聖語，遇難聖自降臨，
戰場驅逐鬼魅，刀光雷雨血淋，
護國百折不改，助爾加爵策勳，
富貴永昌奕世，眉壽永無災侵，
如有毀法妄想，斗秤欺哄愚氓，
不許生身人世，阿鼻地獄呻吟，
那時悔過已晚，急早佩服法文，

回頭諸惡莫作，勉力眾善奉行。

（真經誦至此止誦畢三叩首起身略停一息養順其氣然後再焚香叩首 虔誠朗誦下文明聖經）

【經序第一】

帝君曰：『天地無私，善惡昭彰。順天者存，逆天者亡。神道設教，藉以此傳。』
吾當言 明聖經三字；

『明』者如同日月普照乾坤無物不到，

使我心性常懷不昧靈臺潔淨，打掃如同寶鏡一般明心鑒性。

『聖』者昭然也。參天化育，千古忠肝義膽，萬載聖神，先聖後聖其揆一也。

『經』者常也。所言無非人生日用，常行道理，可以流傳萬古，人能恭敬身心，時時不忘乎根本，刻刻常存乎孝悌，謹敬這個心田勿貪勿淫是也。故曰…

『明聖經』。

(敬誦)

關聖帝君應驗桃園明聖經

開經讚

古佛明聖經。千載嘆未曾。皈依無上道。
乾元亨利貞。

漢，漢壽亭侯，略節桃園經，書於玉泉
寺，夜夢與凡人，萬經千典有，
聖經

未舉行，著爾傳塵世，不可視為輕。
焚香高朗誦，其福即來臨，人能鈔印送，
諸疾不相侵，家宅供此經，妖魅化為塵，
舟船奉此經，風波即刻平，行人佩此經，
途路保安寧，書生看此經，不久步青雲，
婦人誦此經，二女五男成，若為亡化念，
亡化早超生，若為父母念，父母享遐齡，
日念三五遍，或誦百千聲，諸神皆歡喜，
宅舍並光明，或賜福與壽，或蔭兒與孫，

凶事化為吉，福祿壽重增。

太上老君三界靈，眾聖五嶽雷電神，
五湖並四海，日月斗星辰，天下城隍聽
號令，萬方土地各遵行，值年值月將，
值日值時神，夜差黑煞帥，日令皎潔兵，
往來細鑿察，不得漏毫分。會同家宅神，
著令司命君，如有虔誦男和女，速速報
知聞。或賜福與壽，或蔭兒與孫。萬聖
朝真均奏議，普天之下盡頒行，
聖素

覽春秋，幼觀孔孟，唯以孝弟為先，修身治國為本。異端蜂起，兵戈傷殘民命。十餘年甲不離身，刀無潔淨。夜無穩睡三更，日不飽餐一頓。東戰西征，百戰而江山纔定。白了鬚鬢星星，力倦馬羸刀鈍。費盡赤膽忠心，換得箇封侯金印。到如今亂臣賊子，捕風捉影。奸貪讒佞，結黨欺良，言無一定。不思禮義廉恥，孝弟忠信，事每胡行，屢圖僥倖。篡君

位，戮忠臣，好貨財，淫美色，殺人縱性。只顧爽心樂事，豈曉得後來報應。古今好事多磨，毋勉強苟求捷徑，如彩雲琉璃，鮮花明月。人不知機，如鋼刀快缺，妄動橫行，造下了些冤孽。遠則幾年，近則數月，報應無差，法難漏洩。如人未遭逢，各有時節，當思守命由天，安貧樂業。如百藝倉卒成功，其物焉能精潔。草木不能培植，難長許多枝葉。

五穀少用耕鋤，苗雖秀而不實。文臣十載寒窗，方朝金闕。武將百戰臨危，始得公侯並列。**聖**乃日月精忠，乾坤大節，天崩**聖**崩，地裂**聖**裂。

偈曰

聖本天樞第六星，臨凡欲使萬方寧，形容雖去神猶在，留得精英震百靈。明聖經，大眾聽。**聖**乃紫微宮裡朱衣神，協管文昌武曲星，

祇因張仙無主轄，敕令隨 **聖**為從神，
檢點少男與少女，或損陰陽絕子孫，送
生催生及難產，魅妖傷殘癩痘疹，如有
焚香諷誦者，轉禍為祥顯聖靈。今有塑
畫 **聖**像者，側立張仙持彈弓，鑒知戰
國侵凌亂，命我臨凡救萬民，
玉皇賜帝名和姓，子胥五轉做忠臣，臨
潼解釋諸侯難，絕卻奸秦并國心，楚無
道，洒荒淫，昭關過此難，吳越動刀兵，

道吾一生為孝子，數世作忠臣，
敕令 **聖**管錢塘事，晝夜領潮行。
漢室多奸黨，改姓下凡塵，
火龍燒赤兔，水獸鍊青鋒。
臥蠶眉八字，丹鳳目雙睛。
五龍鬚擺尾，一虎額搖身。
韜略期孫臧，機謀勝范增。
春秋丈夫志，生長解梁城，
指關為帝姓，下界又稱臣，

幼而離鄉，壯而出仕，大丈夫以四海
為家，何患乎 聖無兄弟，入桃園睹兩
人奇異，請問英雄何處，雄糾糾朗曰張
飛，貌堂堂溫言先主，遂出身投地，今
逢主，須待挽天河水來蕩滌，誠哉龍虎
風雲會，宰牛馬昭告天地，
結義匡扶漢室。破黃巾，誅董卓，呂布
斃，劫寨剿曹奸，賺入空營內，雁侶散
徐州，攜嫂無存地，滅燭張遼謀，破壁

聖帝義，降漢不降曹，忠臣不二事，封
漢壽亭侯，印無漢重鑄，三日華筵，曹
瞞美意，顏良文醜統兵圍，敢對立功，
可酬曹歸計，
封金卻印三辭操，挈眷尋兄一點忠，
千里尋兄添義氣，五關斬將有威風，
離合英雄乾坤內，相逢兄弟古城中。
智尚雖高無決勝，運籌固識少經綸，
三謁茅廬，臥龍晏起，

大夢誰先覺，平生相盡知，草堂春睡足，
窗外日遲遲，未出茅廬，三分已定，武
侯原是廣慧星，即是前朝嚴先師，此生
諸葛相，再宋朱文公，輪迴三世相，永
不下凡塵，鼎足三分嫌地窄，江山今換
許多人。先主已在清虛府，聖帝今掌
三天門，

桓侯四川為土穀，每起忠良護國心，
在宋易姓武穆將，在唐改諱曰張公，

輪迴三轉皆忠烈，上帝封為護國神。
小可兵戈不差汝，大難危邦再下塵。
天下城隍皆將相，正直為神古至今，
為人忠孝感天地，豈在持齋佛顯靈，
飲食衣服休華美，隨著隨餐莫厭憎，
禽獸一切皆性命，無故自食宰生靈，
一切化生皆活命，何苦張弓捕網尋，
草木花果休折採，嚴冬零落發陽春，
萬物悉含天地化，依時生長與人靈，

爾能遵守惜萬物，福有攸歸禍不侵。
勿謂善小而**不做**，勿謂惡小而可行，
天網恢恢分曲直，神靈赫赫定虧盈，
孝悌忠信人之本，禮義廉恥人之根，
爾能聽吾行善事，定有祥雲足下騰。
聖受三天門掌握，萬神啟奏 **聖**先
聞，
善者紀錄加官爵，惡者遭殃絕子孫，
報應遲速時未到，昭彰早晚必終臨，

休道天高無耳目，虧心暗室有遊神，
敬神如在須誠敬，不可狂言褻聖明。
萬國九州皆敬服，道
聖忠義獨稱尊。
塑形畫像乾坤內，如
聖英雄有幾人。
又奉

上帝加御敕，掌握凡間善惡人。
精忠沖日月，義氣貫乾坤。面赤心尤赤，
鬚長義更長。英雄氣蓋世，燭殘刀破壁。
爵祿辭不受，封庫印懸樑。偃月刀磨仍

快，嘆兄弟不再。臥蠶眉鎖未開，恨江山幾改。亙古功名難比並，三天門下封元帥。稽首頓首。

上帝敕令各部將帥，經傳下界，抄錄諷誦。如世人能遵行，繫玉腰金，官居千載。能全一事，崢嶸三代。欽承法旨，會集諸神施行。於是救苦大仙，太上真君，太白金星，公同註解，覆奏明章，毋容議改，行於四海，皇圖鞏固，萬民

永賴。著忠良，竭力匡衡，孝順無改。廉潔不亂心田，節義臨危不敗。忠孝廉節之章聽解。君使臣以禮，臣事君以忠，日用朝廷祿，當思補報功。報國臣之本，惜卒將之宗。不飾文臣過，不滅武將功。紀錄文華殿，舉劾建章宮。丹心如赤日，位必至三公。秦檜世為犬，武穆四帥中。為人子，孝為先，孝順兩字緊相聯。勿惱怒，常使歡，暖衣飽食毋饑寒。

病醫藥，必自煎，即須嚐過獻親前。
夜不解衣朝不食，時時刻刻在身邊。
爾能孝順爾子孝，點點滴滴看簷前。
大舜孝，帝位傳，二十四孝極周全。
在生不供奉，死後祭靈前。

不孝子，惹災愆，虎哈蛇咬病相纏。
官刑牢獄遭充配，水火之災實可憐。
或自懸樑刀毒死，不孝之人苦萬千。
速速改，莫遲延。世人孰無過，改之為

善賢。人無過，篤行全。廉生畏，潔生
嚴。細檢點，避嫌疑。希賢希聖由天命，
學禮學詩聽自然。卻周粟，隱山川，為
人似玉無瑕玷，立志如同鐵石堅。守己
祿，莫徇偏，損人利己子孫冤。廉者不
受嗟來食，志士不飲盜之泉。辭俸原憲
潔，畏金楊震廉。

坐懷不亂柳下惠，閉戶無容魯仲連。
鴟食曾如糟李美，瓜祭何勝菜根甜。

俸祿止堪供禮儀，舉家食費僅盤桓。
百簣擡回失節物，滿箱裝裹昧心錢。
笞杖徒流誰不怕，勸爾擡頭看上天。
縱容男僕如狼虎，謀占軍民地與田。
勢敗運衰參訐告，拔塚平房冤報冤。
婦男窮極為娼盜，恨殺當初惡要錢。
人之節，如竹又如月，廣大與高明，
圓容更清潔。一生直不彎，挺挺欺霜雪。
一勁參天秀，舞風弄明月。娥英泣竹林，

點點斑斑皆血。即如蘇武杖，數有十二節。李陵污其奸，蘇武敬其烈。仲升使西域，三十六國卻。節義全，神聖悅。或掌天曹事，或補城隍缺。或生公與侯，富貴千年業。亂臣並賊子，每把忠良滅。一見虛歡喜，心口各相別。心藏丈八矛，意存三尺鐵。舌下有龍泉，殺人不見血。貪酷剋奸讒，自殞兒孫絕。聖未吃長齋，聖不信異說。地獄即城隍，三寶

星日月。救濟急難人，就是解冤結。
此四節，忠孝廉節，詳明甚切，

後列二十四劫：

擎天頂地猛勇神，捧日舉月普照神，
列宿張星明朗神，騰雲駕霧飛度神，
驅雷掣電威烈神，呼風喚雨擾攘星，
降霜落雪變通神，賞善罰惡正直神，
輔德討罪忠義神，覺頑化迷感應神，
延生逐疫慈祥神，飛沙走石截路神，

翻江遶海五湖神，崩山頽嶺鐵甲神，
凍水開冰結化星，抽芽綻葉發育星，
開花結果嬌媚星，長禾秀穀益惠星，
走獸飛禽捕捉星，魚蝦蟹鱉踴躍星，
飛跳諸蟲纏擾星，作文制字文昌星，
興兵佈陣武曲星，造作工藝巧作神，
眾星聽令，各回本部，變化發生，
稽首神明，無極眾聖，不可思議功德。

（應驗經畢）

敬誦

斗口王天君，欽奉，漢室，漢壽亭侯。
關聖大帝敕令（嘉慶十五年正月二十四日）

大帝曰：**聖**曾言，日在天上，心在人中，心者萬事之根本，儒家五常，道釋三寶，皆從心上生來。仁莫大於忠孝，義莫大於廉節，二者五常之首。聖人參贊化育者，此而已。仙佛超神入化者，

此而已。自有天地以來，這個無極太極之理，渾然包羅古今長懸，諸帝王聖賢仙佛，萬經千典，只是明此理，成此事而已。聖係紫微垣中，火之正氣。火，離明象也，故主文昌。火，又烈性也，故主武曲。文主仁，仁首忠孝。武主義義首廉節。惟是舉天下萬世皆為聖賢仙佛，此有晝無夜，有陽無陰，絕無之理也。自戰國以來，**聖**出世匡君救民，

不得已以公善之心望世，此桃園經之所
以現身說法也。奈何世之人，真性不密，
邪僻用心，見**聖**平常之言，不曰聖人
不出此驕矜語，則曰聖人不出此淺近
語。

嗚呼，是必欲**聖**重作五經，待世之智
愚賢不肖，皆盡讀之乎。不獨此也，現
在身列文儒，亦妄行指駁。吾因周子，
凜凜持誦多年，只得註解明白。如再有

擅行詆毀者，輕則令瘟火滅之，重則命周將軍斬之，毋悔。

明聖經，本係夢與玉泉寺僧，僧醒而傳述。首句漢漢，上一漢字，乃代名，即大漢也。漢壽亭，係地名也。其先囑咐人人誦此經者，是以效驗歆動人心也。中言精忠沖日月，義氣貫乾坤，即孟子所謂塞乎天地也。曰面赤鬚長者，即大學所謂心廣體胖，孟子所謂晬面盎背

也。

至投胎轉劫之說，儒者不言，不知釋道兩門，並非無據。試歷查古今，借屍還魂，靈殼轉寄，異物入胎，豈少也哉。**聖言**在列國，在漢，與在唐宋之言，實非誑也，諸君試對核之。再四章言忠，文武臣僚，皆當敬體，則是三代以上之臣也，夔龍伊臯其人也。

言孝，則曰不解衣不食，則侍膳寢門，

文王其人也。滴水還源，孫又效子，則子孫保之，大舜其人也。

說到二十四孝，古今昭如日月，格天地，動鬼神，豈非確然可據者哉。廉在周禮，以六計為定，實從義字中生，故為愚昧者痛斥。而廉泉盜水，舉一二而已括之也，節如竹，竹有筠也。如日月有度也，非筠則溷，非度則昏。古今大節不踰者，於義殆盡。

後遣一諸神鑒察，以使速應，**聖**亦大費婆心。以**聖**為驕，**聖**固不辭，以**聖**為淺，**聖**亦不辭。但願人人從此驕言淺言作去，一一果自信於心中，然後探元妙之理，入上**聖**之班，**聖**亦不怪，而且快然也。將此語，著靈官，傳世知之，為此述告周宰人等，一心體此，以心印心。心在人中，日在天上，欽哉勿忽。

南天聖帝關夫子聖諭：

風瀟瀟，雨濛濛，辭金闕，下瓊宮。燦
燦中天烈日，凜凜八面威風。大義沖星
斗，正氣貫長虹。馬騎赤兔，刀偃青龍。
離合英雄乾坤內，相逢兄弟古城中。大
業既定三分，壯志未成一統。歎江山幾
次改動，蒙恩榮祀典崇隆，憫蒼生駕動
鸞輿，念赤子路出蠶叢，觀紅塵無限憎
懂，見黑氣甚是惡凶。忠厚和平堪恕，

機巧變詐難容。盡皆是：為子不孝、為臣不忠、為兄不友、為弟不恭。夫婦不和順，朋友不信從。習熟了驕傲氣象，養成那刻薄心胸。正道弗由僥倖作用，不存天理哄騙愚盲，做出許多傀儡，造成無數巧功，只圖肥潤自己，那知惱怒天公。降下了諸般劫數，收伏那惡人種種。水火刀兵未了，疾病瘟疫又逢，鬼哭神嚎山搖地動，轉瞬間三九堪痛，曲

江上火龍夾攻。那時節父不見其子、弟不顧其兄、夫婦分南北，親戚各西東。百年事業成何用，萬古功名總是空。

帝 不忍生民遭塗炭，**帝** 不忍善惡無

異同。幾次泣叩靈霄寶殿中，一心心只想劫數消鎔。鬢髮斑斑白，血淚點點紅，一誠達聖聰，五劫漸緩松；又感動三星臨凡塵，八仙出崆峒。聖佛神真廣大併，懞，處處飛鸞振曠發矇，諄諄諭文，汗

牛充棟。不惟加毀謗，而且置塵封。化不轉囂囂世道，挽回蚩蚩愚氓，想當初錯把挈玉旨手捧，到今朝又有何顏對玄穹。沒奈何，再把這唇舌，弄眾凡民，一個個須諒帝苦衷。一不要爾銀錢、二不要爾齋供，只要爾父慈子孝、兄友弟恭、夫婦和順、君義臣忠，方便時時行，經典多多誦。聖諭宣講，神訓遵從。從此六戒保身自今三畏參躬。做一番頂天

立地大豪傑，為一個調元贊化大英雄。
切勿為善不勇，切勿畏難不終。功行滿，
超登三界，善果圓，徑上九重，朝金闕，
謁瓊宮，聖神歡悅，仙佛隆重，其樂也
泄泄，其喜也融融。

蓋天古佛昭明翼漢大天尊（三稱三叩
首）

敬誦

關聖帝君覺世真經

帝君曰：

人生在世，貴盡忠孝節義等事，方於人道無愧，可立於天地之間。若不盡忠孝節義等事，身雖在世，其心已死，是謂偷生。凡人心即神，神即心，無愧心，無愧神，若是欺心，便是欺神。故君子三畏四知，以慎其獨。勿謂暗室可欺，

屋漏可愧，一動一靜，神明鑒察，十目十手，理所必至。況報應昭彰，不爽毫髮。淫為萬惡首，孝為百行原，但有逆理，於心有愧者，勿謂有利而行之。凡有合理，於心無愧者，勿謂無利而不行。若負帝教，請試帝刀。敬天地，禮神明，奉祖先，孝雙親，守王法，重師尊，愛兄弟，信朋友，睦宗族，和鄉鄰，別夫婦，教子孫。時行方便，廣積陰功，救

難濟急，恤孤憐貧，創修廟宇，印造經文，捨藥施茶，戒殺放生，造橋修路，矜寡拔困，重粟惜福，排難解紛，捐貲成美，垂訓教人，冤仇解釋，斗秤公平，親近有德，遠避凶人，隱惡揚善，利物救民，回心向道，改過自新，滿腔仁慈，惡念不存，一切善事，信心奉行，人雖不見，神已早聞，加福增壽，添子益孫，災消病滅，禍患不侵，人物咸寧，吉星

照臨。若存惡心，不行善事，淫人妻女，
破人婚姻，壞人名節，妒人技能，謀人
財產，唆人爭訟，損人利己，肥家潤身，
恨天怨地，罵雨呵風，謗聖毀賢，滅像
欺神，宰殺牛犬，穢溺字紙，恃勢辱善，
倚富壓貧，離人骨肉，間人兄弟，不信
正道，姦盜邪淫，好尚奢詐，不重儉勤，
輕棄五穀，不報有恩，瞞心昧己，大斗
小秤，假立邪教，引誘愚人，詭說昇天，

斂物行淫，明瞞暗騙，橫言曲語，白日
咒詛，背地謀害，不存天理，不順人心，
不信報應，引人作惡，不修片善，行諸
惡事，官詞口舌，水火盜賊，惡毒瘟疫，
生敗產蠱，殺身亡家，男盜女淫，近報
在身，遠報子孫，神明鑒察，毫髮不紊。
善惡兩途，禍福攸分，行善福報，作惡
禍臨。帝作斯語，願人奉行，言雖淺近，
大益身心，戲侮帝言，斬首分形。

有能持誦，消凶聚慶，求子得子，求壽得壽，富貴功名，皆能有成，凡有所祈，如意而獲，萬禍雪消，千祥雲集，諸如此福，惟善可致，帝本無私，惟佑善人，眾善奉行，毋怠厥志。